

Petro Nhoma A Eto So Abien

¹ Saa krataa yi fi Simon Petro a ɔye Yesu Kristo somfo ne ne somafo nkyen,

ɔde rekɔma wɔn a esiane yen Nyankopɔn ne yen Agyenkwa Yesu Kristo trenee nti, wɔama wɔn gyidi a esom bo te se yen de no ara pe no:

² Adom ne asomdwoe a edɔso a efi Onyankopɔn ne Yesu a ɔye yen Awurade no mmra mo so.

Onyankopɔn Frɛ

³ Onyankopɔn nam ne tumi so ama mo biribiara a eho hia ma asetena pa ne nyamesu. Nimdeɛ a yewɔ wɔ nea ofi n'anuonyam ne nnepa mu frɛɛ yen no na ama yen saa tumi yi. ⁴ Ɔnam n'anuonyam ne nnepa so ahyɛ yen bɔ a esom bo yiye. Eno nti, mɔbeyɛ ne nyameyɛ no adedifo na moafi nea wiase yi porɔwee a akɔnnɔ bɔne de ba no mu.

⁵ Esiane saa nti, mommɔ mmɔden mfa nneyɛɛ a eho tew nka mo gyidi ho; na momfa nimdeɛ nka nneyɛɛ a eho tew ho; ⁶ na momfa ahohyɛso nka mo nimdeɛ ho; na momfa boasetɔ nka mo ahohyɛso ho; na momfa nyamesom pa nka mo boasetɔ ho; ⁷ na momfa onuadɔ nka nyamesom pa ho, na momfa ɔɔ ankasa nka onuadɔ ho. ⁸ Eyinom ne su pa a eho hia mo. Na se munya ma edɔso a, ebɛma mo ayɛ nnam wɔ yen Awurade Yesu Kristo ho nimdeɛ mu. ⁹ Na obiara a onni bi no ye onifuraefo a

ontumi nhu ade. Ne werε afi sε wɔahohoro ne ho afi ne bɔne dedaw no mu.

¹⁰ Enti me nuanom adɔfo, monyere mo ho wɔ dwuma no di mu, na enni mo ho adanse ampa ara sε Onyankopɔn afrε mo, ayi mo atena hɔ afebɔɔ. Sε moyε saa a, morenhintiw na morempa abaw nso. ¹¹ Sε mofa saa ɔkwan yi so a, wɔbεma mo akɔ yεn Awurade ne yεn Agyenkwa Yesu Kristo Ahenni a εto ntwā da no mu.

¹² Ne saa nti daa mekaakae mo saa a sεm yi a munim na ase atim wɔ nokware a moagye adi no mu no. ¹³ Misusuw sε, eye sε mmere dodow a mete ase yi, mεbɔ mo nkae wɔ saa a sεm yi ho. ¹⁴ Minim sε εrenkyε biara megyaw saa ɔhonam yi hɔ sεnea yεn Awurade Yesu Kristo daa no adi kyerεε me no. ¹⁵ Mεbɔ mmɔden sε mεfa ɔkwan bi so ama moakae saa nsεm yi bere biara wɔ me wu akyi.

¹⁶ εnyε anansesεm na yεte bεka kyerεε mo wɔ yεn Awurade Yesu Kristo tumi ne ba a ɔrebεba no ho, na mmom yεahu na yedi ne kεseyε no ho adanse. ¹⁷ Yεwɔ hɔ bi na Agya Onyankopɔn hyεε no anuonyam bere a nne bi fii Anuonyam kεse mu kae se, “Oyi ne me Dɔba a ɔsɔ m’ani!” no. ¹⁸ Yεn ankasa tee nne no sε efi ɔsoro reba bere a na yεne no wɔ Bepɔw Kronkron no so no.

¹⁹ εno nti εma yenya nkɔm a odiyifo no hyεε no mu gyidi yiye. εsε sε mutie no yiye efisε εte sε kanea a εhyerεn wɔ sum mu kosi da a ade bεkyε ama anɔpa nsoromma ahyerεn wɔ mo koma mu no. ²⁰ Eyinom nyinaa akyi no, monkae saa a sεm yi: Obiara nni hɔ a ɔnam n’ankasa so betumi akyerε Kyerεwsεm mu nkɔmhyε ase. ²¹ Na nkɔmhyε biara mfi onipa pε mu, na mmom, Honhom Kronkron tumi mu na nnipa ka a sεm a efi Onyankopɔn.

2

Atoro Adiyifo No

¹ Atoro adiyifo kɔɔ tetefo no mu, na saa ara nso na atoro adiyifo beba mo mu ara ne no. Wɔbɛma nkyerɛkyerɛ bɔne a nokware nni mu na wɔpa Owura a ogyee wɔn no, na enam so ama ɔsɛe aba wɔn so prɛko pɛ.

² Nnipa bebreɛ befa akwammɔne so na esiane nea wɔyɛ no nti, nnipa bekasa atia nokware kwan no. ³ Saa atoro adiyifo yi nam wɔn sikanibere so bɛto anansesɛm akyerɛ mo de apɛ mo so mfaso. Wɔn temmufo siesiee ne ho akyɛ, na saa ara nso na wɔn sɛefo no nso asɔre agyina.

⁴ Onyankopɔn amfa abɔfo a wɔyɛɛ bɔne no ho ankyɛ wɔn. Ɔtow wɔn guu asaman sum mu baabi, guu wɔn nkɔnsɔnkɔnsɔn, na ɛhɔ na wɔretwɛn atemmu no.

⁵ Onyankopɔn amma tete wiase no amfa ne ho anni. Ɔmaa nsuyiri baa wɔn a na wonsuro Onyankopɔn no so. Wɔn a ogyee wɔn nkwa no ne Noa a ɔkaa trenɛe ho asɛm no ne nnipa baason bi. ⁶ Onyankopɔn buu Sodom ne Gomora fɔ de ogya sɛee wɔn, de bɔɔ wɔn a wonsuro Onyankopɔn no kɔkɔ. ⁷ Ogyee Lot a ɔyɛ ɔtrenɛeni no fii nnipa nnebɔneyɛfo nsam. ⁸ Na saa ɔtrenɛeni no te saa nnipa nnebɔneyɛfo no mu; na afide a na saa nnipa no yɛ no adekyee ne adesae no haw no yiye. ⁹ Sɛ ɛte saa de a, na ɛkyerɛ sɛ Awurade nim ɔkwan a ɔfa so gye n'akyidifo fi ɔhaw mu, na onim ɔkwan a ɔfa so kora nnipa nnebɔneyɛfo, twe wɔn aso de twɛn atemmuda no. ¹⁰ Ne titiriw no, eyi fa wɔn a wodi wɔn honam akɔnnɔ akyi na wɔpa Onyankopɔn tumi no ho.

Saa atoro akyerɛkyerɛfo yi wɔ akokoduru na wommu anuonyamfo a wɔwɔ ɔsoro no, efisɛ wonsuro sɛ wɔyaw wɔn. ¹¹ Na abɔfo a wɔwɔ ahoɔden ne tumi sen saa atoro akyerɛkyerɛfo yi mpo nka nsɛmmɔne mmu wɔn atɛn wɔ Awurade anim. ¹² Nanso saa nnipa yi yɛ wɔn nneɛma

te sE mmoa a wunni adwene, wowo won sE wonkyere won nkum won. Wogu nneEma biara a wonte ase no ho fi. WobeseE won sE mmoa.

¹³ Wobetua won ohaw a woma ebaa no so ka. Nea won ani gye ho ne sE wobeyE biribiara a eye ma won honam akonnɔ no awia ketee. SE wone mo to nsa didi a, egu won anim ase. Efise saa bere no na woka nnaadaasEM. ¹⁴ Wonhwehwe hwee sE mmea nguamanfo efise wope sE daa woye bone. Wodaadaa nnipa a woye mmerew ko bone mu. Woyen won koma ama anibere. Wowa Onyankopon nnome ase. ¹⁵ Waman afi okwan tee no so enti wayera. Wofa okwan a Beor ba Bileam a ode ne sika a onya no ye bone no kofaa so no so. ¹⁶ Eyi ma woka n'anim wo ne bone no ho. N'afurum de onipa nne kasa de siw odiyifo no adammosem no ho kwan.

¹⁷ Saa nnipa yi te sE asuti a ayow anaase omununkum a mframa bo no. Onyankopon de won asie sum kabii mu wo baabi. ¹⁸ Woka ahantansEM ne nkwaseasEM na wonam won honam akonnɔ ho nnaadaa so twetwe won a watwe won ho afi nneboneyefo ho no. ¹⁹ Whye won ahofadi ho bo wo bere a won ankasa ye bone nkoa efise onipa ye biribiara a edi no so no akoo. ²⁰ Na sE onipa sua yen Awurade ne yen Agyenkwa Yesu Kristo ho asem, na onam so guan fi wiase yi mu akwammone so, na akyiri no ko bone mu bio ma dan bone akoo a, eno de ye hu sen ne kan no. ²¹ SE anka wonnim Kristo koraa a, anka eye ma won sen sE wobesua ne ho nsem na afei wobedan won akyi akyere mmara Kronkron a wode maa won no. ²² Nea ebaa won so no kyerE sE, saa be yi ye nokware. “Okraman san kotaforo ne fe na prako a waguare no no nso koguare wo dontori mu.”

3

Awurade Ba A Obaba Bio No

¹ Adɔfonom, eyi ne krataa a ɛto so abien a makyerɛw abrɛ mo. Mekyerɛw sɛ mede rebɛkae mo, de akanyan mo adwene. ² Mɛpɛ sɛ mokae nsɛm a adiyifo akronkron no kaa no mmere bi a atwam no ne mmara a efi Awurade ne Agyenkwa a wɔde faa mo asomafo so maa mo no.

³ Nea edi kan no, ɛsɛ sɛ mote ase sɛ nna a edi akyiri no mu no, nnipa bi bɛba a wɔn ara wɔn honam akɔnnɔ na ebedi wɔn so. Wobedi mo ho fɛw ⁴ aka se, “ɔhyɛɛ mo bɔ se ɔbɛba. Wanka? Na ɔwɔ he? Yɛn agyanom awuwu dedaw, nanso biribiara te sɛ nea ɛte fi adebɔ mfiase!” ⁵ Wɔhyɛ da ma wɔn werɛ fi nokware no sɛ, efi tete na Onyankopɔn kasa maa ɔsoro bae, na wofi nsu mu de nsu yɛɛ asase. ⁶ Akyiri no wɔde nsuyiri bɛsɛɛɛ saa bere wiase no. ⁷ Nanso Onyankopɔn ahyɛ sɛ ɔsoro ne asase ntena hɔ nkosi atemmuda. Afei wɔbɛsɔ ogya wɔ mu de asɛɛ nnebɔneyɛfo.

⁸ Nanso anuanom, mommma mo werɛ mfi ade baako sɛ Awurade ani so de, nsonoe nni da koro ne mfe apem ntam. Ne fam de, abien no nyinaa yɛ pɛ. ⁹ Awurade ntwentwɛn ne nan ase wɔ ne bɔ a wahyɛ ho sɛnea ebinom susuw no. Mmom ɔwɔ mo ho ntoboase, efisɛ ɔmpɛ sɛ wɔbɛsɛɛ obiara, na mmom ɔpɛ sɛ obiara sakra fi ne bɔne ho.

¹⁰ Na Awurade da no bɛba sɛ ɔkorɔmfɔ. Da no, ɔsoro bɛbobɔ mu na ayera na wim nneɛma bɛhyew na asɛɛ na asase ne so nneɛma nyinaa nso bɛda adi.

¹¹ Na sɛ saa ɔkwan yi so na wɔbɛfa asɛɛ ade nyinaa a, na ɔbra bɛn na ɛsɛ sɛ wobɔ? ɛsɛ sɛ mo bra yɛ kronkron na mode mo ho ma Onyankopɔn. ¹² Monhwɛ saa da no kwan na monyɛ mo nneɛma pɛpɛɛpɛ; da a Onyankopɔn bɛto ɔsoro mu gya na wim nneɛma anan na ayera wɔ ogyaframa mu no. ¹³ Nanso yɛtwɛn nea Onyankopɔn ahyɛ yɛn ho bɔ no, ɔsoro fɔforo ne asase fɔforo a ɛhɔ na trenee bɛtena.

¹⁴ Enti anuanom, mugu so retwɛn da no, mommɔ mmɔden sɛ mobɛyɛ kronkron a mfomso biara nni mo ho wɔ Onyankopɔn anim na mo ne no atena wɔ asomdwoe mu. ¹⁵ Monkae nhu sɛ Awurade wɔ ntoboase efisɛ ɔpɛ sɛ obiara nya nkwagyɛ. Eno na yɛn nua Paulo nam nyansa a Onyankopɔn de maa no no so kyerɛw mo no. ¹⁶ Saa ɔkwan koro no ara so na ɔfa kyerɛw ne nkrataa no na saa nsɛm yi ara so nso na ogyina kyerɛwee. Wɔn a wonnim na wɔnnyɛ den no ntumi nkyerɛ nsɛm bi a ɛyɛ den wɔ ne nkrataa no mu no ase yiye. Saa ara na wɔyɛ Kyerɛwsɛm nkae no de ɔsɛɛ ba wɔn so no.

¹⁷ Nanso anuanom, esiane sɛ wɔadi kan abɔ mo kɔkɔ no nti, monwɛn na wɔn a wonni mmara so no mfomso no antwe mo amfi mo tebea pa hɔ. ¹⁸ Munyin wɔ yɛn Awurade ne Agyenkwa Yesu Kristo dom ne nimdeɛ mu.

Ɔno na anuonyam nka no mprenpren ne daa. Amen.

Biblica® Wonhia ɛho kwamma nhoma Asante Twi Nkwa
 Asɛm™
 Twi: Biblica® Wonhia ɛho kwamma nhoma Asante Twi Nkwa
 Asɛm™ (Bible)

copyright © 2020 Biblica, Inc.

Language: Asante Twi (Twi)

Dialect: Asante

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at www.biblica.com and open.bible.” Notice of copyright must appear on the title or copyright page of the work as follows: Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-06-30

PDF generated using Haiola and XeLaTeX on 29 Jan 2022 from source files dated 29 Jan 2022

14163569-3294-53ff-a970-30b3c0d1f237